

Berekraftsrapport 2024, YMSIR AS

Innhald:

- Side 2 - Innleiing
- Side 3 - Ymsir AS i tal
- Side 4 - Risiko og vesentlegheit
- Side 5 - Klima og miljø
- Side 6 - Sosiale forhold
- Side 7 - Selskapsstyring
- Side 8 - Framover
- Side 9 - Oppsummering

- **Kontoradresse:** Peak Sunnfjord, Hafstadvegen 23, 6800 Førde
- **Forretningsadresse:** Middagsteigen 8, 6810 Førde
- **Org.nr.** 925 928 216 – stifta 21.10.2020
- **Formål:** Bedriftsrådgjeving og konsulenttenester
- **Tenester:** Berekraft (strategi, kartlegging, tiltak, kommunikasjon, hjelp til Miljøfyrtårnsertifisering, kommunikasjonsrådgjeving og -planlegging, strategiprosess, prosjektleiing og -støtte, konferanseplanlegging og -gjennomføring, brukarkartlegging)
- **Aksjeselskap**, ein eigar (Anne Mette Hjelle)
- **Dagleg leiar / styremedlem** er Anne Mette Hjelle. Dag Solheim er styreleiar.
- **Selskapet er registrert i** enhetsregisteret, foretaksregisteret, meirverdiavgiftsregisteret og arbeidsgjevarregisteret. Det er ikkje revisorpliktig.

Ymsir AS er eit lite selskap med ein tilsett som driv tenesteytande verksemd (konsulenttenester). Det hjelper andre med betre kommunikasjon, strategi og berekraft, og samarbeider med andre leverandørar og medlemsorganisasjonar med god kompetanse innan kommunikasjon og berekraft.

Målet for Ymsir AS er å bidra der vi kan med det vi kan, gjere vårt beste, demonstrere engasjement og vere opne om det vi gjer. Dette er perspektiv vi legg vekt på når vi skal motivere andre verksemdar til å gjere det same.

Dette dokumentet seier noko om kva som kjenneteiknar selskapet, og korleis det påverkar økonomi, menneske, klima og miljø. Det er tilpassa rammeverk for små verksemdar og såleis forenkla og med estimat. Datagrunnlag er hovudsakleg henta frå rekneskapsprogrammet Fiken AS. Dokumentet gjeld rekneskapsåret 2024.

Ta gjerne kontakt om du har spørsmål eller innspel til forbetring.

God lesnad!



Eigar og dagleg leiar




**GODKJENT
KONSULENT**

Ymsir AS i tal

Figuren viser hovudtal for 2024, alle inntekter og alle kostnader fordelt på kundar og type utgifter. Data er henta frå rekneskapsprogrammet Fiken.

2023 2024 2025



Produkt

- Berekraft: Strategiar, kartlegging, tiltak og kommunikasjon.
- Miljøfyrtårn-rådgjeving: Foredrag og/eller rettleiing mot sertifisering.
- Kommunikasjonsrådgjeving og -planlegging
- Strategiprosessar: Utforming og implementering.
- Merkevarerbygging og identitet
- Prosjektleiing og -støtte
- Konferanseplanlegging og konferansier
- Workshopfasilitering
- Innsikt: Research, spørjeundersøkingar og brukarkartlegging.

Risikovurdering

Som ei lita, tenesteytande verksemd er Ymsir AS lite eksponert for større økonomisk, miljømessig eller operasjonell risiko. Hovudrisikoen knyter seg til endringar i marknad og etterspurnad, tap av sentrale samarbeidspartnarar eller lengre sjukefråvær. Selskapet har låg klimarisiko og påverkar miljøet minimalt.

Vi vurderer vesentlege risikoar og moglegheiter årleg, og jobbar systematisk for å redusere sårbarheit og styrke berekraftig utvikling.

Basert på vurdering av risiko og vesentlegheit, bransjekunnskap og dialog med interessentar, er desse tema vurdert å vere dei mest vesentlege for Ymsir AS:

- God kvalitet og kundehandtering: Tillit og kompetanse, klare avtalar, god kommunikasjon, effektive system og gode verdiar. *Peikar mot nr. 8 - Anstendig arbeid og økonomisk vekst.*
- Stimulere selskap til å innføre berekraftige arbeidsmetodar og integrere informasjon om berekraft i sine rapporteringsrutinar. *Peikar mot nr. 12.6 - Ansvarleg forbruk og produksjon.*
- Stimulere selskap til å stoppe klimaendringane ved å innføre berekraftig forretningspraksis. *Peikar mot nr. 13.3 - Styrkje evna enkeltpersonar og institusjonar har til å redusere klimagassutslepp, tilpasse seg til og redusere konsekvensane av klimaendringar og varsle tidleg, og dessutan styrke utdanninga og bevisstgjeringa om dette.*
- Samarbeid med andre for å nå mål. Støtte til både lokale og internasjonale initiativ som er relevante for vår bransje og berekraftsarbeid. *Peikar mot nr. 17 - samarbeid for å nå måla.*

Resultat og status 2023 – ESG

Vi har valgt å rapportere med utgangspunkt i dei tre dimensjonane for berekraftig utvikling, ESG: klima og miljø (E), sosiale forhold og samfunnsansvar (S) og selskapsstyring (G). Denne sida handlar om klima og miljø (E).

KLIMA OG MILJØ (E)

Selskapet har berre ein tilsett og driv med tenesteytande næring (konsulent- og rådgjevingstenester) i leigd kontorlokale i kontorfellesskapet Peak Sunnfjord. Her er risikoen for direkte negativ påverknad vurdert å vere låg.


Scope 1: Selskapet har ikkje eigne køyretøy og forbrukar verken olje eller gass.

Scope 2: Indirekte utslepp i form av elektrisitet er styrt av huseigar. Selskapet leiger ca. 25 kvm, inkl. fellesareal. Dette er ikkje ein vesentleg storleik. Det er automatisk lysregulering på kontor og i fellesareal. Vi har ikkje tilgang til data for det totale forbruket av straum og vatn i kontorfellesskapet.

Scope 3 er det mest relevante for selskapet, først og fremst nedstrøms (bruk av tenester). Selskapet har brukt mykje tid på å utvikle tenester retta mot små og mellomstore bedrifter som fremmer bevisstheit om miljøpåverknad. Det bidro til at fire lokale selskap blei Miljøfyrtårnsertifisert i 2024 og eit 5. kom i gang. Vi har holdt foredrag for bilbransjen i regionen om berekraftig bilbransje, og ei større bedrift blei kursa i berekraftskommunikasjon. Sjå elles om selskapet på s. 4.

Dei fleste møte er på video og det er difor marginalt med reising i selskapet. El-bil blir brukt til bilkøyring, som i jobbsamanheng gjeld hovudsakleg gamle Sogn og Fjordane. Jobb i Bergen er dekt av offentlig transportmiddel. Vi hadde to flyturar t/r Oslo i 2024 – kursing og jobb.

Vi har ikkje data over den totale mengda avfall, men det er ikkje av vesentleg storleik og vi sorterer i størst mogleg grad. Vi bidro til å få på plass betre sorteringsløysingar i kontorfellesskapet Peak Sunnfjord i byrjinga av 2024.



Resultat og status 2023 – ESG

Vi har valgt å rapportere med utgangspunkt i dei tre dimensjonane for berekraftig utvikling, ESG: klima og miljø (E), sosiale forhold og samfunnsansvar (S) og selskapsstyring (G). Denne sida handlar om sosiale forhold og samfunnsansvar (S).

Sosiale forhold og samfunnsansvar (S)

- Selskapet har arbeidskontrakt, pensjonsordning og legg vekt på opplæring og relevant kompetansebygging. Vi legg vekt på arbeidsrettar og anstendig arbeid også i leverandørkjeden og gjer løpande risikovurdering.
- Selskapet leiger kontor i eit moderne kontorfellesskap med over 40 ulike selskap/verksemder. Desse er gründarar, oppstartsselskap, etablerte teknologibedrifter og verkemiddelapparat. Dette er verdifullt – både fagleg og sosialt.
- Selskapet vurderte og rydda opp i medlemsskap. Det enda opp med at vi melde oss ut av UN Global Compact, Global Reporting Initiativ (GRI), NHO Abelia og Sogn og Fjordane Næringsråd. Selskapet er framleis med i Førde Industri og Næring (FINS) og er tilknyttta Stiftelsen Miljøfyrtårn. Det gir tilgang til relevant kursing, ressursar og nettverk.
- Lokal verdiskaping er viktig. Selskapet eigde per 31.12.23 667 aksjar (tilsvarande 0,37 %) i investeringsfondet og -nettverket, Peak Venture. Hjelle er også med i Peak Venture gjennom det familieeigde Fjordvekst AS, som eig 3,89 %. Hjelle er med i styra for både Peak Venture og Fjordvekst.
- Vi kjøper inn varer og tenester mest mogleg lokalt.
- Selskapet deltok på dugnad for Ungt Entreprenørskap i Vestland også i 2024, som jurymedlem på Fylkesmeisterskapen for ungdomsbedrifter ved Førde vidaregåande skule.

Eigar og dagleg leiar, Anne Mette Hjelle, jobba i 2024 som styremedlem i stiftinga NOK Norge, Fjordvekst Holding AS, Fjordvekst AS og Sunnfjord Miljøverk IKS – i tillegg til Peak Venture AS. (Les meir på brreg.no).



Resultat og status 2023 – ESG

Vi har valgt å rapportere med utgangspunkt i dei tre dimensjonane for berekraftig utvikling, ESG: klima og miljø (E), sosiale forhold og samfunnsansvar (S) og selskapsstyring (G). Denne sida handlar om selskapsstyring (G).

SELKAPSSTYRING (G)

- Selskapet tek omsyn til samfunnsansvar i strategien og er i dialog med interessentgrupper for å avdekke risiko og vesentlegheit knytt til ESG.
- Selskapet har policy for berekraftig forretningspraksis, inkl. nulltoleranse for korrupsjon.
- Selskapet starta i 2021 å utvikle nye tenester knytt til berekraftsarbeid og desse er utvikla vidare siste åra.
- Selskapet hadde i 2024 ei omsetning på 1,67 mill og fekk eit overskot på NOK 231 971,- (i 2023: NOK 31 596,-).
- Hovudprogramvare i 2024 var Fiken (timeføring, fakturering og rekneskap), TeamGantt (prosjektverktøy) og Google Workplace (dokumenthandtering, kommunikasjon m.m.). Office 365 blir brukt ved behov og i møte med kundar som foretrekk det. I 2024 lærte vi om og brukte stadig meir generativ kunstig intelligens til sparring og språkvask (ChatGPT Pro, Perplexity m.fl).
- Regelen er at vi brukar totrinns-autentisering i programvarer. Vi går årleg gjennom risikobildet internt. Eigar/tilsett har oppdatert kompetansen i it-sikkerheit også i 2024, m.a. gjennom deltaking på IT-forum Vest sin årskonferanse.
- Selskapet har berre ein aksjonær og har difor ikkje valkomite, godtgjering til styret, aksjonæravtale m.m.
- Selskapet legg vekt på openheit og deler informasjon om korleis vi tek ansvar med offentlegheita på eiga nettside.



Google Workplace



fiken

teamgantt



Framover

Kundar, lokalsamfunn, samarbeidspartnarar, styresmakter og andre interessentar skal oppleve tillit til selskapet og måten den blir driven på.

- Vi skal kjenne kunden godt, sikre god tone og sjå til at det som blir gjort er i samsvar med strategi.
- Vi skal bruke digitale prosjektstyringsverktøy som gir kunden fortløpande innsyn i prosessar og tidsbruk.
- Selskapet skal ha tilsette og underleverandørar som kan dokumentere kunnskap og kompetanse.
- Vi skal vurdere it-tryggleik og personvern årleg. Kompetanse og rutinar skal minimere risiko for angrep som set selskapet og kundane i fare.

Stimulere selskap til å stoppe klimaendringane.

- Vi skal bidra til at fleire verksemder blir Miljøfyrtårn-sertifisert, eller på andre måtar skaffar seg kunnskap og kompetanse om klima og miljø og handle deretter.
- Vi skal bidra til transparens og at fleire rapporterer på berekraft.
- Vi skal gjennomføre kurs og samlingar i regi av Miljøfyrtårn, for å kunne gje gode og velkvalifiserte råd vidare.
- Vi skal hjelpe verksemder med å vurdere risiko og iverksette tiltak for å unngå/reducere konsekvensar av klimaendringar.
- Vi skal halde oss oppdaterte på regelverk, krav og forventningar relevante for vår kundegruppe.

Bidra til meir ansvarleg forbruk.

- Kurs og workshops skal resultere i at kundar blir meir medvitne om berekraftig strategi og ansvarleg forbruk. Dei skal også bli motivert til å dele berekraftsinformasjon internt og eksternt.
- Kurs og workshops skal gje kunnskap om berekraftsmål på ein engasjerande og positiv måte. Vi skal ha ein tilfredsheitsscore som i snitt er god eller svært god.
- Når vi hjelper kundar med arrangement, tilrår vi at dei ikkje brukar eingongsprodukt i plast, at dei unngår matsvinn og at arrangementa er mest mogleg miløvenlege.

Samarbeide med gode krefter for å nå berekraftsmåla.

- Vi skal halde fram med å etterspørje transparens og berekraftige løysingar/produkt frå kundar og underleverandørar. Vi vil særleg jobbe med dei som er villige til å ta eit ekstra samfunnsansvar.
- Vi forpliktar oss vidare til Grønnvaskingsplakaten og skal halde fram med å vere medlem/konsulent i Styreforeningen, FINS og Stiftelsen Miljøfyrtårn.

Samandrag 2024

Ymsir AS er eit lite rådgjevingsselskap i Førde, som i 2024 hadde ein tilsett og leverte tenester innan kommunikasjon, strategi og berekraft til både privat og offentleg sektor. Selskapet har hatt eit år med stor aktivitet, og bidrog mellom anna til at fire lokale bedrifter vart Miljøfyrtårnsertifisert.

Verksemda har låg risikoprofil og minimalt klimaavtrykk, der det meste av arbeidet skjer digitalt og med lite reising. Det er lagt stor vekt på lokal verdiskaping og samarbeid, og selskapet har rutinar for både openheit og risikovurdering.

I 2024 var omsetninga på 1,67 millionar kroner, med eit overskot på 231 971 kroner.

Kompetanseheving, deltaking i styre og tilknytning til lokale og nasjonale nettverk har vore prioriterte satsingsområde.

Selskapet har gjennom året jobba systematisk med risikovurdering og kontinuerleg forbetring, og har som mål å medverke til meir berekraftig utvikling for kundar og lokalmiljø, styrke samarbeidet med andre, og bidra til openheit og transparens i berekraftsarbeidet.

Anne Mette Hjelle



Eigar/dagleg leiar
30.06.2025

Dag Solheim



Styreleiar
30.06.2025